

godine kasnije (14. 07. 2011.) ponovo pokrenule Izmjene i dopune koje su ozakonjenje 2013. (Sl. glasnik USK-a broj 12/13. Zakon o zemljišnim knjigama (Sl. list FBiH 19/03 i 54/04) na području Velike Kladuše se ubrzano počeo provoditi tek 2016/17!

Aktuelni Prostorni plan Velike Kladuše 2001-2020. u formalno pravnom smislu pripreman je u mandatu **Huseina Delića** (1950.) i usvojen u mandatu **Admila Mulalića** (1965.) kao načelnika Općine, da bi se tek 31. jula 2008. usvojila Odluka o provođenju Prostornog plana 2001.-2020. i Odluka o usvajanju Urbanističkog plana za isto razdoblje. Donešene su dvije strateški dvojbene planske prostorne odluke: Izbor zaobilaznice (2001.) od graničnog prelaza Maljevac i trase novog kanalizacionog sistema (2007.) koji se mogao smjestiti u korito postojeće riječice Grabarska. U odgovoru na upit oko statusa jedne zemljišne parcele koncem 2016. decidno piše: "... Općina Velika Kladuša de facto nema važećih-primjenjivih planskih dokumenata, a Urbanistički plan (Sl. glasnik 7/08) nema odluku o sprovođenju, općinski urbanističko građevinski inspektor je 14. 04. 2014. godine rješenjem broj: 03/3-23/5-1318/14 zabranio primjenu Prostornog plana Općine za period 2001-2020."

Prema Informaciji o provođenju Odluke o postupku i uslovima legalizacije bespravno izgrađenih objekata od maja 2014. može se, između ostalog, sagledati šta sve, kako i kada se dešavalo u zakonskoj regulativi USK-a i Općine. Tako npr. priča oko bespravne gradnje (po čemu je Velika Kladuša prednjačila u USK-u) je da se do 2006. podnijelo 1.266 zahtjeva za legalizaciju, 2008. godine 512, 2011. godine 252. Ro-

kovi su se pomjerali, prema Odluci br: 01-05-215/13. zadnji je utvrđen do 31. 12. 2016. Kad se sva ta priča posloži (prijemi-rješavanja,...) na ovim poslovima radilo je šest osoba koje su „obradile“ 2016. godine 403 zahtjeva. U Izvještaju o utvrđenom stanju prilikom primopredaje vlasti decembar 2016. detaljno je poimeno navedeno stanje sa izdavanjem urbanističkih isprava (saglasnosti, građevinske i upotrebne dozvole). Na dan 09. 11. 2016. evidentirano je 882 predmeta koji čekaju na rješavanja legalizacije, 231 predmet za upravno rješavanje imovinsko-pravnih odnosa i 284 nerješениh predmeta u katastru. Svih 31 predmet utvrđivanja vlasništva po Uredbi za privatizaciju „Agrokomerca“ je u toku. Osnovni razlozi su prekomplikirani-strogi zahtjevi u svim građevinskim zonama, preskupi procesi, neefikasna općinska administracija...

U vaktu 2012.-2016. rješeno je tek 106 zahtjeva za izdavanje upotrebni dozvola sa naknadama za rad komisija od 65.101,00 KM (26 učesnika). U istom periodu izdane su 443 građevinske dozvole na osnovu projekata od 15 pravnih subjekata.

Kladuška priča o projektu decenije - stoljeća

Kanalizacija i prečišćavanja otpadnih voda je višedecenijski problem Velike Kladuše koji se sistematski



Radovi na uređenju korita rijeke Grabarske

počeo sagledavati i rješavati 2007. u sastavu Javnog preduzeća „Vodovod i kanalizacija“. Ključna osoba bio je **Osman Čaušević**, direktor JP sa svojim timom, a ispred lokalnih vlasti glavni akteri su bili **Ismet Hušidić** i **Selim Kajtazović** u vaktu dominacije DNZ-a do konca 2012. Od nebrojeno sitnijih i krupnijih događanja metodom croos cutting kao presjek hronologije sa napomenom da nisam mogao identifikovati tko je i kada potpisivao projektne zadatke kao polaznu tehničko izvedbenu dokumentaciju.

Bezbroj putovanja, sastanaka, lobiranja, dogovora na svim razinama rezultira sjednicom Općinskog vijeća 08.07.2009. na kojoj se donosi Odluka (broj: 01-05-146/2009.) o prihvatanju kredita *Evropske investicione banke (EIB)* za Projekt „Vodovod i kanalizacija“ BiH namijenjen Projektom prijedlogu Kanalizacije Velike Kladuše i postrojenje za obradu gradskih otpadnih voda. Iznos kredita 9,5 mil eura, rok otplate 25 godina uključivo i grace period od 6 godina, kamatna stopa fiksna i varijabilna (dogovara se prije uplate tranše), broj tranši 20, dospijeće polugodišnje ili godišnje (dogovara se prije isplate tranše). Na trećem sastanku Tima za implementaciju projekta (novembar 2009.) na čelu sa Osmanom Čauševićem „zaključuje“ da je preduslov regulacija Kvrkulje, Grabarske i Kladušnice. Odluka o utvrđivanju javnog interesa za regulacije navedenih vodotoka donešena je 29. 06. 2011. Urbanističke sagla-

snosti za Grabarsku od mosta kod Sportske dvorane nizvodno (dužine 561.119 m) i Kladušnicu (od Trnovačkog mosta do ušća u rijeku Glinu dužine 3.316.59 m) izdana 26.04.2011.

Novoizabrana lokalna vlast koncem 2012. s načelnikom **Edinom Behrićem** (1987.) provodi natječaj i 15. 10. 2015. potpisuje Ugovor broj: 09/14/1979. Na pano tabli moglo se pročitati Projekt: Vodoopskrba i odvodnja, Potprojekt: Izgradnja kanalizacionog kolektora A i B-I faza, općina: Velika Kladuša, Financijer: *EIB* i općina, nadzor konzorcij: *Louis Berger*, Izvođač: Konzorcij: *Bujice Konjic, Harysco Sarajevo, Okac d.o.o. Goražde*. Predračunska vrijednost navedenog ugovora sa PDV piše 2,384.784.55 KM. Planirani rok okončanja radova 547 dana od datuma početka radova (09. 11. 2015.). Tim za implementaciju projekta sa Osmanom Čauševićem se ignoriše, a sve poslove preuzima načelnik Behrić sa svojim saradnicima (Hušidić i Kajtazović). Regionalne novine „Krajina“ objavile su da je kantonalni ministar građenja, prostornog uređenja i zaštite okoliša USK-a **Tahir Nuhlić** predao načelniku Behriću maja 2015. Urbanističku saglasnost za pokretanje Projekta regulacije Kladušnice i Grabarske. Aktom općinskog načelnika broj: 02-49-1658/15. od 15. 06. 2015. podnosioc Zahtjeva za dobivanje navedene Urbanističke saglasnosti se obavještava kako će ista biti dostavljena nakon okončanja klauzule pravosnažnosti. Elem, sve ostalo mrtvo slovo na papiru!

Koncem 2015. i tokom 2016. počinju perkopavanja, dokopavanja, polaganja cijevi, zatrpavanja, budalaštine sa trasom po dijelu ulice Zuhdija Žalić, gutanja prašine, protesti...